

## Terma dan Syarat untuk “DuitNow Ramadan Raya” Kempen

Kempen “DuitNow Ramadan Raya” adalah (“**Kempen**”) anjuran bersama Bank Pertanian Malaysia Berhad (No. Syarikat: 200801010522 (811810-U)) (Agrobank) dan Payment Network Malaysia Sdn Bhd (No. Syarikat: 836743-D) (PayNet) (dirujuk secara kolektif sebagai “**Penganjur**”).

### Tempoh Kempen

Promosi akan bermula dari **13 April 2021 sehingga 25 Mei 2021** (“**Tempoh Kempen**”)

### Kelayakan

1. Kempen ini terbuka kepada semua pengguna individu Perbankan Internet Agrobank (AGRONet) **ATAU** AGRONet Mobile Banking Apps (“Pelanggan”).
2. Individu seperti yang dinyatakan di bawah tidak layak untuk menyertai Kempen ini:-
  - a) Kakanigan Jabatan Kempen dan Promosi, Agrobank; **dan/atau**
  - b) Kakanigan PayNet (termasuk syarikat bersekutu, anak syarikat atau yang berkaitan dengannya); **dan/atau**
  - c) Pelanggan yang tidak waras; **dan/atau**
  - d) Pelanggan yang telah diisyiharkan bankrap; **dan/atau**
  - e) Individu di bawah umur 18 tahun.
3. Dengan menyertai Kempen ini, Pelanggan telah memberi representasi dan mengesahkan bahawa Pelanggan tidak termasuk dalam kategori individu di atas.

### Hadiah

**RM100.00** (“Hadiah” atau “Duit Raya”) akan dikreditkan ke akaun pemenang yang telah mendaftar ID DuitNow selepas tamat Tempoh Kempen.

### Kriteria Penyertaan dan Pemilihan Pemenang

1. Pelanggan mestilah membuat transaksi minima **RM10.00** ke akaun lain dan mestilah melakukan sekurang-kurangnya **(5) transaksi** dengan menggunakan fungsi “**Send Duit Raya**” **ATAU** saluran **DuitNow yang biasa di Aplikasi AGRONet Mobile Banking** mahupun laman sesawang **AGRONet** untuk layak memenangi ‘Duit Raya’.
2. Hanya **150 PELANGGAN TERATAS** yang melakukan transaksi paling banyak akan dipilih sebagai **PEMENANG KEMPEN**.
3. Peserta hanya layak memenangi **SATU (1)** Hadiah sahaja dalam Tempoh Kempen.
4. Transaksi DuitNow yang tidak lengkap atau dilakukan di luar Tempoh Kempen dianggap tidak memenuhi kriteria untuk memenangi Hadiah.
5. Hadiah tidak boleh dipindah milik kepada mana-mana pihak dan diganti dengan apa-apa jua jenis hadiah yang lain di atas permintaan pemenang.
6. Penganjur berhak untuk menukar Hadiah dengan hadiah lain yang mempunyai nilai yang sama tanpa sebarang notis.

## **Terma dan Syarat Am**

1. Dengan menyertai Kempen ini, Pelanggan: -

- a) telah membaca, memahami dan bersetuju untuk terikat dengan Terma & Syarat ini serta Notis PDPA yang boleh didapati di [www.agrobank.com.my](http://www.agrobank.com.my).
- b) memberikan persetujuan mereka kepada Penganjur untuk menerbitkan dan menggunakan nama, gambar dan/atau lain-lain maklumat peribadi ("Maklumat Peribadi") yang dihantar oleh pelanggan untuk iklan, pemasaran, publisiti dan / atau tujuan lain, tanpa pemberitahuan terlebih dahulu atau gantirugi kepada Pelanggan. Pemenang tidak berhak menuntut hak milik atau bentuk gantirugi lain atas bahan tersebut.

Nota:

Pelanggan/pemenang dinasihati untuk mengambil langkah berjaga-jaga apabila menerima sebarang permintaan bagi Maklumat Peribadi dan untuk menghubungi pihak Penganjur bagi pengesahan berhubung Kempen ini.

c) bersetuju bahawa Penganjur:

- I. berhak untuk membatalkan, menghentikan, mengubah suai, atau menangguhkan Kempen ini sekiranya atas sebab apa pun Kempen ini tidak dapat diteruskan seperti yang dirancang disebabkan, termasuklah disebabkan virus komputer, penggodaman, campur tangan yang tidak dibenarkan, penipuan, kegagalan teknikal, atau sebab lain di luar kawalannya;
- II. boleh membatalkan dan/atau menghilangkan kelayakan mana-mana Pelanggan dan/atau penyertaan jika didapati atau disyaki menipu/menggodam/mengganggu/ menyalahgunakan proses penyertaan Kempen ini, operasi peraduan atau melanggar mana-mana Terma dan Syarat ini;
- III. boleh mengubah mana-mana Terma dan Syarat Kempen pada bila-bila masa dengan notis yang munasabah kepada Pelanggan;
- IV. dan/atau ejennya tidak akan menanggung liabiliti atau bertanggungjawab bagi apa-apa kerugian yang dialami oleh Pelanggan yang timbul daripada penangguhan, pembatalan, penamatan atau penggantungan Kempen ini atau perubahan kepada butiran-butiran Hadiah atau lain-lain situasi yang tidak dijangka di luar kawalannya yang munasabah dan bagi apa-apa tindakan atau kemungkinan pembekal atau vendor pihak ketiga;
- V. tidak memberikan sebarang waranti atau representasi secara nyata, tersirat atau statutori, berhubung dengan hadiah-hadiah termasuklah kualiti kebolehdagangan dan kesesuaianya untuk tujuan berkenaan Hadiah tersebut

- 
2. Terma dan Syarat Kempen yang terkandung di dalam ini (termasuk apa-apa pindaan ke atasnya), serta apa-apa keputusan yang dibuat oleh pihak Pengajur berhubung Kempen ini berhubung pemilihan pemenang dan/atau Hadiah adalah muktamad, konklusif dan mengikat. Tiada komunikasi, pertanyaan dan/atau rayuan berkenaan apa-apa pertikaian atau perkara berkaitan mana-mana keputusan pihak Pengajur akan dilayan.
  3. Terma dan Syarat ini hendaklah ditadbir dan ditafsirkan berdasarkan kepada undang-undang Malaysia dan bidang kuasa eksklusif mahkamah Malaysia.
  4. Sekiranya terdapat ketidak selaras, kesamaran atau pertikaian berhubung interpretasi antara Term dan Syarat ini dengan lain-lain bahan promosi bagi Kempen ini, Terma dan Syarat dalam versi Bahasa Inggeris, yang terdapat di [www.agrobank.com.my](http://www.agrobank.com.my), hendaklah terpakai.
  5. Masa adalah intipati Kempen ini.

**TAMAT**